

Na osnovu člana 72. Zakona o javnim nabavkama Bosne i Hercegovine („Službeni glasnik BiH“ br. 39/14), člana 7. alineja b) Pravilnika o postupku direktnog sporazuma („Službeni glasnik BiH“ br. 90/14), člana 10. stav (1), alineja b) Pravilnika o postupku direktnog sporazuma KJU „Gerontološki centar“ Sarajevo i Odluke br. 13-1651-2/19 od 20.11.2019.godine, ugovorne strane:

1. KANTONALNA JAVNA USTANOVA „GERONTOLOŠKI CENTAR“ SARAJEVO, ul Aleja Bosne srebrene br.7., registrovan kod Općinskog suda u Sarajevu, matični broj subjekta upisa: 65-05-0223-09 (stari broj 2-3), identifikacijski broj kod Porezne uprave FBiH Kantonalni ured Sarajevo 4200092250001, koga zastupa *Melisa Alibegović Hadžić* Direktorica *Melisa Alibegović Hadžić* (u daljem tekstu: Ugovorni organ)

2. Društvo za reviziju, računovodstvo i savjetodavne usluge „EX PROFESSO“ d.o.o., ul. Dr. Ševale Zildžić Iblizović br. 9., Sarajevo, registrovano kod Općinskog suda u Sarajevu (Matični broj subjekta upisa: 65-01-0012-09), identifikacijski broj kod Porezne uprave FBiH Kantonalni ured Sarajevo 4201022760009, koga zastupa direktor Hadžifejzović Hajrudin (u daljem tekstu: Izvršilac usluga)

dana 26.11.2020., zaključuju:

UGOVOR O IZVRŠENJU USLUGA

Član 1.

Izvršilac usluga se obavezuje da u skladu sa Međunarodnim standardima o reviziji za Ugovornog organa izvrši **reviziju finansijskih izvještaja za 2020. godinu**, u skladu sa svojom Ponudom naš broj: broj: 34-11/2020 od 24.11.2020.godine i zahtjevima Ugovornog organa, broj: 14-2129-1/20 od 20.11.2020.god

Član 2.

(1) Izvršilac usluga se obavezuje da reviziju finansijskih izvještaja po godišnjem obračunu za 2020. godinu obavi sa ciljem davanja mišljenja o finansijskim izvještajima.

(2) Ugovorne strane su saglasne da revizija finansijskih izvještaja po godišnjem obračunu za 2020. godinu obuhvati sljedeće poslove:

- davanja mišljenja o prezentovanim finansijskim izvještajima (bilans stanja, bilans uspjeha, promjene na kapitalu i izvještaj o gotovinskim tokovima),
- ispitivanje, metodom testa, revizijskih dokaza, kojima će se potkrijepiti iznosi objavljeni u finansijskim izvještajima,
- procjenu korištenih računovodstvenih načela,
- pregled spisa i dokumentacije,
- otkrivanje pogrešno iznešenih činjenica u finansijskim izvještajima,
- davanje ocjene/mišljenja da li u prezentovanim finansijskim izvještajima za 2020.godinu postoji bilo kakvo pogrešno iznošenje činjenica,
- procjena sveukupne prezentacije finansijskih izvještaja,
- predstavljanje rezultata revizije dostavljanjem izvještaja o izvršenoj reviziji.

Član 3.

(1) Izvršilac usluga se obavezuje da reviziju obavi u skladu sa Međunarodnim standardima o reviziji, koji nalažu da se revizija planira i izvrši kako bi se mogla osigurati razumna pouzdanost da u finansijskim izvještajima nema značajnog pogoršanog iznošenja činjenica.

(2) Revizija podrazumijeva ispitivanje na osnovu testa revizijskih dokaza koji potkrepljuju iznose objavljene u finansijskim izvještajima, procjenu korištenih računovodstvenih načela i važnih procjena sačinjenih od strane menadžmenta, kao i vrednovanje sveukupne prezentacije finansijskih izvještaja.

(3) Zbog prirodnih nedostataka metode testa i drugih ograničenja svojstvenih za reviziju, te ograničenja svojstvenih za bilo koji računovodstveni sistem i sistem interne kontrole, postoji neizbježan rizik da se možda neće otkriti neka pogrešno iznešena činjenica u finansijskim izvještajima, čak i ako su ona značajna.

Član 4.

(1) Ugovorni organ je dužan da obezbijedi Izvršiocu usluge pristup knjigama, evidencijama, dokumentima i ispravama, da pruži tražena objašnjenja i informacije neophodne za obavljanje revizije, te da ovlaštenim revizorima Izvršioca usluga osigura uslove za rad.

(2) Izvršilac usluga se obavezuje da za obavljanje revizije finansijskih izvještaja angažuje ovlaštene revizore.

Član 5.

(1) Ugovorne strane su saglasne da je priprema finansijskih izvještaja i adekvatno objavljivanje odgovornost Ugovornog organa, što podrazumijeva postojanje adekvatne računovodstvene evidencije i internih kontrola, odabir i primjenu računovodstvenih politika, te zaštitu imovine Ugovornog organa.

(2) Kao dio procesa ovlaštenu revizori Izvršioca usluga mogu od Ugovornog organa zahtijevati pismenu potvrdu izjava koje su date u toku postupka revizije.

Član 6.

(1) Ugovorne strane su saglasne da ukupna cijena usluga izvršene revizije finansijskih izvještaja za 2020. godinu iznosi **4.000,00 KM bez PDV**, odnosno **4.680,00 KM sa PDV**.

(2) Ugovorni organ se obavezuje da plaćanje za obavljene usluge izvrši na transakcijski račun Izvršioca usluga broj 161000097130088 otvoren kod Raiffeisen bank dd, i to u roku od 60 dana datuma prijema fakture za uredno izvršenu uslugu

(3) Ugovorena cijena usluga iz stava (1) ovog člana je fiksna i ne može se mijenjati do potpunog okončanja ugovorenih poslova.

Član 7.

(1) Izvršilac usluga se obavezuje da revizorsko mišljenje za potrebe Nadzornog i Upravnog odbora Ugovornog organa dostavi najkasnije do 15.02.2021.godine, a ostale ugovorene obaveze, uključujući dostavljanje revizorskog izvještaja, da obavi najkasnije do 31.03.2021. godine.

(2) Izvršilac usluge je dužan da Ugovornom organu dostavi izvještaj o izvršenoj reviziji finansijskih izvještaja za 2017. godinu u tri primjerka na bosanskom jeziku.

Član 8.

Izvršilac usluga je dužan da obezbijedi da sve informacije i sva saznanja o poslovanju Ugovornog organa koje sazna u toku izvršenja ugovorenih usluga čuva kao poslovnu i profesionalnu tajnu.

Član 9.

Sve izmjene i dopune ovog Ugovora mogu se vršiti u pismenoj formi, uz saglasnost ugovornih strana.

Član 10.

Ugovorne strane se obavezuju na pridržavanje zakonskih propisa, čuvanja poslovne tajnosti i pridržavanja poslovnih običaja.

Član 11.

Sve eventualne sporove koji nastanu u toku realizacije ovog Ugovora, ugovorne strane će nastojati riješiti sporazumno, a ukoliko to ne bude moguće, za rješavanje sporova nadležan je sud u Sarajevu.

Član 12.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.

VRŠILAC USLUGA

Broj: _____

Datum: _____



UGOVORNI ORGAN

Broj: 14-2129-4/20

Datum: 26.11.2020.godine



[Handwritten signature]
04.12.2020.g